

Lúcia Lobato rekolla preokupasaun Autoridade Judisiáriu Oé-Cusse hodi apresenta bá Primeiru Ministru

2024/02/26 10:59:22 PM DILI



Ekpa Reforma Justisa vizita ofisiál ba Autoridade Judisiáriu Oé-Cusse. Imajen Tatoli/Abílio Elo Nini.

OÉ-CUSSE, 26 febreiru 2024 (TATOLI) – Ekpa Grupu Traballu bá Reforma Justisa liderada Lúcia Maria Brandão Freitas Lobato, segunda ne'e hala'o audiénsia ho autoridade judisiáriu sira iha Rejiaun Administrativa Espesial Oé-Cusse Ambeno (RAEOA).

Objetivu hosi vizita ne'e rekolla preokupasaun hosi Autoridade Judisiáriu Oé-Cusse kona-ba setór justisa rejional nian hodi apresenta relatóriu ba Primeiru Ministru, Kay Rala Xanana Gusmão.

Notísia relevante: [Xefe Estadu husu Grupu Traballu halais servisu ba reforma justisa](#)

Ekpa ne'e komposta hosi Eis Prezidente Tribunál Rekursu, Claudio Ximenes, pesoál espesial hosi UNDP, profesór hosi akadémiku no advogadu privada, hasoru hasoru malu ho Defensoria Públiku, Ministériu Públiku no Tribunál Distritál Oé-Cusse.

“Ohin ami rekolla informasaun barak tebes, bele ajuda ekpa ne'e atu prepara relatóriu hodi hato'o rekomendasaun konkreta ba Governu liuhosi Primeiru Ministru atu hadi'a ita-nia setór justisa,” Koordinatora Grupu Traballu bá Reforma Justisa, ko'alia iha Oé-Cusse.

Eis Ministra Justisa ne'e, reals, durante vizita ofisiál ba autoridade judisiáriu sira iha Oé-Cusse, deteta problema tolu, liuliu infraestrutura, rekursu umanu, ho lei sira, nune'e problema hirak-ne'e, ekpa sei prepara relatóriu hodi enkamiña ba Primeiru Ministru.



Ekpa Reforma Justisa vizita ofisiál ba Autoridade Judisiáriu Oé-Cusse. Imajen Tatoli/Abílio Elo Nini.

“Iha marsu atu remata to'o abril 2024 relatóriu ne'e publiku bele asesu ona, agora ami tempu servisu, ne'ebé ohin ami kontente mai iha Oé-Cusse, rona preokupasaun ita-nia autoridade judisiáriu sira, diskusaun barak ho triste, ha'u sente Estadu tenki tau matan no rona preokupasaun sira-ne'e atu oinsá bele rezolve problema sira-ne'e hosi kraik,” nia katak.

Nune'e administrasaun justisa bele la' o ho di' ak, povu bele haksolok no tribunál sira bele iha kredibilidade ba servisu sira-ne'ebé sira halo, atu hametin ita-nia Estadu Diretu Demokrátiku ne'ebé ema hotu iha lei hanesan, tribunál imparsiál, transparánsia no no povu nia di' ak.

Notísia relevante: [Ekípa traballu reforma justisa habú ona halo servisu](#)

Juis Administradór Tribunál Distritál Oé-Cusse, Argentino Nunes, konsidera vizita ofisiál hosi Grupu Traballu ba Reforma Justisa, importante, atu observa direita kondisaun autoridade judisiáriu sira iha Oé-Cusse, nune'e iha futuru bele konsidera hodi hadi'a setór justisa iha Timor-Leste.

“Vizita ne'e importante maka nasaun kria komisaun ida-ne'e, agora ita hein rezultadu saida maka atu hetan hosi ezisténsia komisaun ne'e, hanesan autoridade judisiáriu mudansa atu hadi'a sistema iha judisiáriu, ida-ne'e importante, hotu-hotu hein ida-ne'e.”

Notísia relevante: [MJ fiar Lucia Lobato sei fó susesu ba servisu reforma iha setór justisa](#)

Rekorda katak, Primeiru-Ministru Xanana Gusmão, liuhosi despaxu número 03/PM/VIII/2023, nomea antiga Ministra Justisa, Lúcia Lobato, lidera ekipa atu halo reforma justisa no halo revizaun ba Planu Estratéjiku Dezenvolvimentu (PED) 2011-2030 iha setór justisa nian.

Jornalista: Abílio Elo Nini

Edítór: Evaristo Soares Martins

Hakarak Monta Publicidade
iha Agencia **Tatoli, I.P**

via contacto
3310374 / 73809447
marketing@tatoli.tl
Endereço Sergio Vieira de Mello No.10, Fardé-Dili, Timor-Leste
ANTIL
ANTIL TATOLI, LP

- TAGS:
- [Lucia Lobato sei hato'o problema justisa Oé-Cusse ba Primeiru-Ministru Lúcia Lobato rekolla preokupasaun Autoridade Judisiáriu Oé-Cusse hodi apresenta bá Primeiru Ministru](#)